

جریدہ علمیہ

مشتبہ جلید اسلامیکہ جریده رسمیه سید

غیر شعبان المعظم سنہ ۱۳۳۸

فتواخانه عالییه وقوعبولان مراجعات رسمیه اوزرینه اعطا اولنان

اجوبه شرعیه

احمد امضاسیله ۹ محرم ۳۳۸ تاریخده فتواخانهیه بالورود ، برقریده بولنان جامع شریفک محلی چوروك اولسه قریه مذکوره اهاالینک مذکور جامع شریفی هدم وانقاضی فروخت ایدوب آخر محله مجدداً بر جامع شریف بنا ایلمکک قادر اولوب اولیه جعفرینه دائر واقع اولان استفتایه جوابدر .

§ مآله ومستدعینک افادهسه نظراً قریه مذکوره اهاالسی قریهک دیکر بر محلده بشقه برمسجد انشا ایدوبیلور . اسکی مسجدک بانیسی معلوم دکل ایسه اذن قاضی ایله انقاضی بیع ایدیلرک ثمنی یکیدن انشا اوله حق مسجده تصرف اولنق جائز اولور . آنحق ایکتمی مسجده صلوة جمعه وعیدینک اداسی یکیدن اذن سلطانی وبرات عالی استحصائله متوقفدر اولباید .

۱۲ محرم ۳۳۸

* *

احمد امضاسیله ۱۰ محرم ۳۳۸ تاریخده فتواخانهیه بالورود ، اون آلتی یاشنده بربالغه کفوی بولنان برکیمسه ایله تزویج ایتمک ایستدکده ولیسینک عقد نکاحه مانع اولوب اولیه جعفرینه دائر واقع اولان استفتایه جوابدر .

§ کیمسه نک منکوحه سی اولیان بالغه مزبورده نفسی کفوی بولنان برکیمسه یه مهر مثیله تزویج ایدوبیلور وهیچ کیمسه طرفندن منع ومداخله اوله ماز .

۱۷ محرم ۳۳۸

* *

یوسف کنعان امضاسیله ۱۰ محرم ۳۳۸ تاریخده فتواخانهیه بالورود ، زیدک بنا ایلدیکی مسجدک برکوشه سنده کندیس ایچون انشا قلنان محفلک آلتی کتبخانه یاپدیرمسی وتختده مصاحف شریف وسائر امهات کتب دینییه وضع ایدوبیلیمسی جائز اولوب اولیه جعفرینه دائر واقع اولان استفتایه جوابدر .

§ مآله نظراً وجه محرر اوزره کتبخانه انشاسیله دروننده مصاحف شریفه وکتب دینییه وضع ایتمکده شرعاً باس یوقدر اولباید .

۲۷ محرم ۳۳۸

الشیخ محمد امضاسیله ۷ صفر ۳۳۸ تاریخده فتواخانهیه بالورود ، اسکدارده هندی درکاھنک حولی ومتصل باغچه سبنده اروا واسقا ایدیلان اراضیدن محصولات ایچون عشر لازم کلوب کلیه جگنه دائر واقع اولان استفتایه جوابدر .
 § مآله نظرآ شهر دروینده اولوب مذکور درکاھنک جولیبی بولنان باغچه سبنده کی سبزملر ایله اشجارک اتمانندن شرعاً عشر لازم کلز اولیابده ۱۲ صفر ۳۳۸

نجیب امضاسیله ۱۱ صفر ۳۳۸ تاریخده فتواخانهیه بالورود ، سسنی چیقارمیه رق فیالکیز اوچ دفعه آغزینی آچوب قیایان چوجوغک حی حکمنده اولوب اولیه جغه ووفاتیلہ حکم وراثت جاری اولوب اولیه جغه دائر اولان استفتایه جوابدر .
 § قابل نیله معاونه سی عدل اولدقلری ومتوفاة صغیره مزبورہ نک بروجه محرر حرکتی اثر حیات اوله رق حیاً ولادتنه شهادت ایتدکلی تقدیرده شهادتلی مقبوله وتوارث جاری اولور . ۴ ربیع الاول ۳۳۸

عبدالله امضاسیله ۹ صفر ۳۳۸ تاریخده فتواخانهیه بالورود ، زید وفاتندن اول شوقدر کفروش وجوه برہ صرف اولمق اوزره وصیت ایدوب بعده عته عارض اولسه وصی مختاری موجود ایکن اوغلی مداخلهیه قادر اولوب اولیه جغه دائر واقع اولان استفتایه جوابدر .

§ برکیمسہنک عتهی حضور شرعده تحقق ایتدیکی تقدیرده قاضی طرفندن اوغلنک ، وصی تعیین ایدلسی صحیح اولور . آنجق بالاخرہ عته دعواسی ایچون معتوه مومی ایله آخر برکیمسہنی توکیل ایدوب وکیل مزبورده عتهک زوالنی وبعدالزوال کندیسنک توکیل ایدلیکنی اثبات ایتدیکی تقدیرده وصی مزبورک وصایتی مرتفع اولور . ۱۶ ربیع الآخر ۳۳۸

مصطفیٰ لعلی امضاسیله ۱۷ صفر ۳۳۸ تاریخده فتواخانهیه بالورود ، بالا جارتین تصرف اولنان مسقات موقوفه دن برینک متصرف اخیری وقیلہ تبرعاً للوقف بنا ایدلمش اولان مسقف مذکوری ہدم ایله انقاضی صاہرق حاصل اولان مبلغی نفسہ حصر ایدہ بیلوب

ایدمیه جگنه ومتولیٔ وقف متصرف مومی الیهمی هدمدن منع ایدوب ایدمیه جگنه وهدم
ایتدیکی تقدیرده انقاض بدلنی مومی الیهدن استرداد ایدوب ایدمیه جگنه دائر واقع
اولان استفتایه جوابدر .

§ حادثیه نظراً متولیٔ وقف متصرف اخیر مزبورى بلاموجب هدمدن منع وهدم
ایتدیکی تقدیرده بناء مهدومك مبنا قیمتى تضمینه قادر اولوب مأخوذى اولان مبالغى
ید امینه تودیع ایدمیلور اولباده
۶ ربیع الآخر ۱۳۳۸



ذات والای مشیختنا هینک مقام جلیل افتای تشریفاری مناسبت مینه سیه تدقیق
مصاحف ومؤلفات شرعیه رئیس فضیلتو صفوت افندی حضرتلری طرفدن ترتیب اولتان
منظومه تاریخیه در :

بتشریف سامی الاصل والذات والقدر	هیناً لكرسى الفتاوى من الفخر
لطیف المزایا طیب الاسم والذکر	سمى ابى المختار من نسل هاشم
یزید صفاء للقلوب مدى الدهر	سلیل کرام لم یزل ذکر مجدهم
زهى طول احقاب بأبائه الغر	جاء امیر المؤمنین بمسند
فطوبی لهم بالین والعز والنصر	تهلل وجه المسلمین بشیخهم
بما قابلو بשרاء من خالص الشکر	وطوبی لاهل العلم والفضل والنهی
لقد زید نور الشرع بالکوکب (الدري)	فحيث بدا بשרاء بالحمد أرخوا

۱۳۴ ۲۱ ۲۵۶ ۶۰۱ ۸۱ ۲۴۵

سنه ۱۳۳۸

